

PSE-EE. Konferentzia Politikoan «bozketetara jo behar izanez gero» kargua uzteko aukera aipatu du Redondok

Joseba Arruti | BILBO

Iragan maiatzaren 13ko EAEko hauteskundeen ostetik Nicolas Redondoren lidergoaren sendotasunari buruz agertutako zalantzek eta Jesus Egigurenek PSE-EEren Konferentzia Politikoari begira landutako dokumentuak sozialisten artean hautsak harrotzen jarraitu zuen atzo. Zehazki, autodeterminazio eskubideaz eztabaidatzeko aipatu idatzian agertutako presutasunak eragin zuen erreazio kopuru handiena.

Madrilatik, Jose Luis Rodriguez Zapatero PSOEko idazkari nagusiak adierazi zuen PSOE ez duela sekula «autodeterminazioarako edo herri kontsultarako inolako biderik aintzat hartuko». Alderdi sozialistak «herri honen [Espainiaren] batasuna defendatzen du beste ezereen gainetik».

Zapaterok «sostengu osoa» adierazi zion Nicolas Redondori eta baita PSE-EEren orain arteko ildo politikoa ere. Antena 3 telebista katean egindako agerraldian nabarmendu zuenez, «Espainiako Konstituzioaren eta Gernikako Estatutuaren erabateko defentsa izan da eta izango da alderdi sozialistaren erreferente nagusia Espainian zein Euskal Autonomia Erkidegoan».

Ildo horretatik, buruzagi sozialistak esan zuen ez duela oraindik Egigurenen dokumentua irakurtzeko astirik izan; baina, dakienaren arabera, aipatu idatziak «autodeterminazioari buruz EAJk dituen argudioei aurre egiten» diela azaldu zuen.

Azkenik, PSOEko idazkari nagusi Odon Elorza Donostiako alkatearen jarreraren inguruan mintzatu zen, eta «guztiz legitimotzat» jo zuen alderdi barruan «jarrera indibidual kritikoren bat» egotea.

Redondo, Konstituzioarekin

Nicolas Redondo Terrerosek berak azaldu zuenez, ez dauka asmorik «Espainiako proiektu konstituzionala hautsi, ahuldu edo deslegitima dezakeen ino-

«Konstituzioaren bide» jarraituko dutela diote Zapaterok eta Redondok

Egigurenen dokumentua eztabaidarako zirriborroa dela aipatu dute

Nicolas Redondo, Jose Luis Rodriguez Zapatero eta Jesus Egiguren, joan zen urtarrilean.

ALFREDO ALDAI / EFE



ESANAK

NICOLAS REDONDO TERREROS (PSE-EEko idazkari nagusia)

«Ez dut asmorik Espainiako proiektu konstituzionala hautsi dezaketenez egitasmoetan parte hartzeko»

«Egigurenek landutakoa aldaketak izango dituen dokumentu egitasmoa da»

JOSE LUIS RODRIGUEZ ZAPATERO (PSOEko idazkari nagusia)

«Konstituzioa eta Estatutua dira eta izango dira PSOEren eta PSE-EEren erreferente nagusia»

«Egigurenen dokumentuan, autodeterminazioari buruz EAJk dituen argudioei aurre egiten zaie»

lako egitasmotan» parte hartzeko. PSE-EEko idazkari nagusiak segurutzat jo zuen bere alderdiaren Konferentzia Politikoan «gehiengoa eroso egoteko moduko jarrera bat» nagusituko dela baina, hala ere, «bozketetara jo beharko balitz» berak EAEko sozialisten buru izateari utz liezaiokeela ohartarazi zuen.

Redondo Terrerosek Jesus Egigurenen idatzia aipatu zuen, eta «aldaketak izango dituen dokumentu egitasmoa» dela nabarmendu. Hala, eztabaidaren ondoren sintesi bat egiteko baliatuko diren beste zenbait dokumentu ere badire-

ALKATE SOZIALISTAK

Bizkaiko zenbait alkate, Egigurenen idatziaren aurka

Bizkaiko zenbait alkate eta buruzagi sozialista Jesus Egigurenen dokumentuaren aurka azaldu dira herenegun plazaratutako idatzi baten bitartez. Aipatu komunikatua euren «haserre» adierazi dute Egigurenen zirriborroa hedabideetan azaldu delako.

Idatzi horri atxiki zaizkion artean Portugalete, Barakaldo, Trapagaran eta Abantoko alkateak daude, Ezkerraldeko herri batzordeetako idazkari nagusiak eta baita herrialdeko PSE-EEko beste zenbait barne kargudun ere.

Horiek guztiek diotenez, afiliatuak ez datoz bat Egigurenen dokumentuarekin «PSE-EEk bere kongresuetan behin eta berriro onartu izan duen norabidearekin kontraesan dagoelako». Horren ondorioz, dokumentu alternatibo bat lantzea proposatzen dute, «autodeterminazio prozesu ororekin» bat ez datozela argi eta garbi nabarmenduko duena.

la erantsi zuen PSE-EEko idazkari nagusiak.

Patxi Lopez Bizkaiko PSE-EEko buruak «txalogarri» iritzi zion Konferentzia Politikoaren osteko ildo politikoa berearekin bat ez badator dimisioa aurkezteko Redondok azaldu duen asmoari.

Manuel Huertas Gipuzkoako PSE-EEko idazkari nagusiak esan zuenez, Egigurenek landutako txostena «eztabaidarako oso tresna ona da». Alderdiaren Gipuzkoako batzorde probintzialaren bileran esan zuenez, Egigurenek «euskal politikagintzaren aldaketen analisi zuzena» egin du.



ARRIGORRIAGAKO UDALA

IRAGARKIA

Jakinartzatzen dizuegu idazkaritzako administrari-laguntzaile lanpostu bat, kulturako administrari-laguntzaile lanpostu bat eta gizarte ongizateko administrari laguntzaile lanpostu bat betetzeko oposizioetarako eskaerak aurkeztu dituzuen eta behin betiko zerrendetan onartuta legez agertzen zireten oposiziogile guztiei, oposizioaren lehenengo ariketa 2001eko urriaren 16an egingo dela. Ordutegia hauxe izango da:

- Gizarte ongizateko administrari-laguntzailea, 09:00etan.
- Kulturako administrari-laguntzailea, 11:30etan.
- Idazkaritzako administrari-laguntzailea, 16:00etan.

Arrigorriagako Udala Kiroldegian.

Arrigorriaga, 2001eko urriaren 8an.

ALKATEAK.

Sin.: Alberto Ruiz de Azua Solozabal.

Gipuzkoan, Bizkaian eta Nafarroan lan egiteko izaera dinamikoa eta harremanetarako gaitasuna duten pertsonen bila gabiltza:

Publizitate Salmentarako Komertzialak

Eskaintzen dugu:

- Etorkizun handiko komunikazio proiektuan parte hartzea.
- Ordainsari finkoa eta aldakorra.
- Bezero poltsa.
- Formazioa.

Eskatzen dugu:

- Euskaraz jakitea.
- Lan esperientzia edo komertzial arloko ikasketak izatea kontuan hartuko dugu.
- Autoa izatea.

Interesatuak bidali curriculumak:

Donostiako 1281 posta-kutxatilara. Erreferentzia: Komertziala.



Oñatiko Udala

Gabonetako argiteriaren lehiaketa.

Gehiengo aurrekontua: 4.202.500 pzta (BEZ-a eta ohar publizitarioaren kostoa barne).

Eskaerak aurkezteko epea: Iragarri hau argitaratu eman eta hurrengo egunetik kontatzen hasita 20 egun naturaleko epea.

Baldintza Plegua: 11:00etatik 14:00etara jaso ahal izango da Udala Bulego Orokorretan.

Oñatin, 2001eko urriaren 9an. ALKATEAK.